



Broj: 03-08-E.Š.-4302-JP/17
Sarajevo, 17.03.2017. godine.

Izmjene i pojašnjenje javnog poziva ambulantama prodične medicine organizovanim kao dio doma zdravlja ili privatna praksa za ugovaranje usluga porodične/obiteljske medicine

U skladu sa članom 56. stav 3. Zakona o javnim nabavkama BiH ("Službeni glasnik BiH" broj 39/14) Ugovorni organ vrši izmjenu javnog poziva ambulantama porodične medicine organizovanim kao dio doma zdravlja ili privatna praksa za ugovaranje usluga porodične/obiteljske medicine, kako slijedi:

- a) Na strani 2. pomenutog Javnog poziva u poglavlju 2. Kvalifikacije – stav 5 "Ambulanta porodične/obiteljske medicine ustanove moraju pružati transport pacijentima" se mijenja i sada glasi:

"Ambulante porodične/obiteljske medicine moraju obezbijediti adekvatnu zdravstvenu uslugu u hitnim stanjima, koja ozbiljno ugrožavaju život i/ili zdravlje pacijenata što može uključivati i potrebu za adekvatnim transportom (u vlastitom aranžmanu ili putem hitne pomoći) pacijenata do najbliže zdravstvene ustanove, u kojoj može biti pružena neophodna usluga"

- b) Na strani 3. pomenutog Javnog poziva u poglavlju 3.2. Dodatni dokumenti, se dodaje se stav 3.2.7., koji glasi:

"Izjava pružaoca usluga ovjerena kod nadležnog organa da Ambulante porodične/obiteljske medicine moraju obezbijediti adekvatnu zdravstvenu uslugu u hitnim stanjima, koja ozbiljno ugrožavaju život i/ili zdravlje pacijenata što može uključivati i potrebu za adekvatnim transportom (u vlastitom aranžmanu ili putem hitne pomoći) pacijenata do najbliže zdravstvene ustanove, u kojoj može biti pružena neophodna usluga"

- c) Na strani 4. pomenutog Javnog poziva poglavlje 8. „Zainteresirani pružaoci zdravstvenih usluga porodične/obiteljske medicine mogu dostaviti svoje prijave po ovom javnom pozivu u roku od 45 dana od dana zadnje objave.“, se se mijenja i sada glasi:

„Krajnji rok za dostavu svojih prijava Zainteresirani pružaoci zdravstvenih usluga porodične/obiteljske medicine po ovom javnom pozivu je 04.04.2017.godine do 16:00 sati. Neblagovremene i nepotpune prijave neće biti uzete u razmatranje.“

Ostali podaci iz javnog poziva ostaju ne promijenjeni.

Sve navedene izmjene čine sastavni dio javnog poziva.

Na osnovu traženja pojašnjenja jednog od ponuđača od 23.02.2017. godine kojim se traži obrazloženje stavki iz Javnog poziva za porodičnu medicinu, kako slijedi:

1. Tačna djelatnost patronažne službe – dostavljanje akta sa obavezama ambulante i pravima osiguranika;

2. Definisanje obaveza i prava ambulanti porodične medicine u vezi sa pravima osiguranika za korištenje zdravstvene usluge "prolaznih" pacijenata kao i usluge hitnog stanja za pacijente koji nisu registrirani u ambulanti porodične medicine;
3. Pitanje oko registracije osiguranika u ambulantama porodične medicine. Kako će se izvršiti registracija osiguranika i čija je obaveza da se obavijeste osiguranici koje ambulante pružaju usluge porodične medicine i kako će se pravilno raspodijeliti neopredijeljeni osiguranici.

Ugovorni organ na osnovu člana 56. Zakona o javnim nabavkama BiH daje sljedeće pojašnjenje:

1. Na osnovu članova 86. i 87. Zakona o zdravstvenoj zaštiti FBiH („Službene novine FBiH“ broj 46/10) i Pravilnika o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine FBiH“ broj 26/12) članova 33. i 34., propisana je djelatnost porodične medicine odnosno patronaže a prava pacijenata su određena Zakonom o pravima, obavezama i odgovornostima pacijenata („Službene novine FBiH“ broj 40/10).
2. Na osnovu Člana 32. Pravilnika o načinu ostvarivanja prava iz obaveznog zdravstvenog osiguranja ("Službene novine FBiH" broj 31/02) Zdravstvena ustanova je dužna da obezbijedi pružanje medicinske pomoći u hitnim slučajevima.
Pod medicinskom pomoći u hitnim slučajevima u smislu ovog pravilnika podrazumijeva se pružanje zdravstvenih usluga koje su neophodne da se otkloni neposredna opasnost po život i zdravlje oboljelog odnosno povrijeđenog lica, uključujući i prevoz lica od mjesta oboljenja odnosno povrede do najbliže zdravstvene ustanove u kojoj je moguće obezbijediti pružanje ovih zdravstvenih usluga.
Pružanje medicinske pomoći u hitnim slučajevima ne može biti uvjetovano
3. Na osnovu Pravilnika o načinu ostvarivanja prava na slobodan izbor doktora medicine i doktora stomatologije primarne zdravstvene zaštite u Kantonu Sarajevo, svako osigurano lice ima obavezu da izvrši izbor doktora popunjavanjem Izjava o izboru/promjeni izabranog doktora medicine.
Kao i do sada izbor doktora vrši se putem javnog poziva, koji provodi Ministarstvo zdravstva Kantona Sarajevo (u daljem tekstu Ministarstvo) u saradnji sa Zavodom zdravstvenog osiguranja Kantona Sarajevo. Poziv se objavljuje na odgovarajućim mjestima u poslovnim prostorima Zavoda, ugovornim zdravstvenim ustanovama, printanim i elektronskim medijima, te na taj način pozivaju se osiguranici da ostvare pravo na zdravstvenu zaštitu na području Kantona Sarajevo u ugovornim zdravstvenim ustanovama.

Pripremila Komisija:

Amila Borovac Ramezić

Fikret Jonuz

Lejla Brčić

Edina Šahović



DIREKTOR

Mr.sc. doc. prim. spec. dr. Samir Turković